

**СВЯТЫМ РАВНОАПОСТОЛЬНЫМ  
КИРИЛЛУ(КОНСТАНТИНУ) И МЕФОДИЮ,  
ПЕРВОУЧИТЕЛЯМ И ПРОСВЕТИТЕЛЯМ СЛОВЕНСКИМ**



**МОЛИТВА 1-Я**


О, преславнии языков словенских учителя и просветителие, святы равноапостольнии Мефодие и Кирилле!

К вам, яко чада ко отцам, светом учений и письмен ваших просвещении и вере Христовой наставлении, ныне усердно прибегаем и в сокрушении сердец наших молимся. Аще бо и завет ваших, яко чада непокоривая, не соблюдохом, и о угождении Богу, якоже учисте, небрегохом, и от единомыслия и любви, юже словеном, яко братьям в вере и по плоти добре завещаете, отпадохом, обаче, якоже древле в житии вашем неблагоприятных и недостойных не отвращаете

тщи, но благим за злое воздавасте, тако и ныне грешных и недостойных чад ваших молитвы не отвратите, но яко велие имущи дерзновение ко Господу, прилежно Того молитесь, да наставит и обратит нас на путь спасения, распри же и раздоры посреде единоверных братии возникающая, да умирит, отпадшия паки во единомыслие приведет и всех нас единением духа и любви во Единей, Святей, Соборней и Апостольской Церкви соединит. Вемы бо, веемы, яко много может молитва праведника ко благосердию владыки, аще и о грешных людех приносима бывает.

Не оставите убо нас, унылых и недостойных чад ваших, ихже грех ради паства ваша, вами собранная, враждою разделяема и соблазны от иноверных прельщаема, умалися, овцы же ея словесныя, разсеяваемы от волков мысленных, восхищаются; дадите убо нам, молитвами вашими о православии ревность, да, ею возгреваемы, отеческая предания добре сохраним, уставы и обычаи церковныя верно соблюдати потщимся, всяких лжеучений странных отбежим, и тако в житии Богоугодном на земли пребывающее, жизни райския на Небеси сподобимся, и тамо с вами вкупе Владыку всех, в Троице Единого Бога, прославим во веки веков. Аминь.

## **МОЛИТВА 2-Я**



О, всехвальнии равноапостоли Мефодие и Кирилле, припадающее пред честною иконою вашею, усердно молим вы: воззрите милостивно на нас, ихже трудом вашим просветили есте, и оградите нас неусыпным предстательством вашим от злых козней вражиих!

Призрите убо на виноград сей, егоже насадили есте, и не предайте дивему вепру озобати его. Созраните, святи угодницы Божии, Церковь нашу Православную, юже вы наздали есте на краеугольном Камене, Христе, яко да будет недвижима, но да разсыпятся о камень сей волны всякого малOVERия.

Укрепите пастырей наших во всех добродетелях и в подвиге проповедания, вразумите же пасомых, во еже послушати гласа их.

Сохраните вся страны словенкия от всякаго оскудения, от огня и меча, от смертоносныя язвы и от всякаго зла. Услышите и всякаго человека, с верою к вам приходящаго и благодатныя помощи ваша требующаго.

В страшный же час смертный предстаните всем нам блазии ходатаи и темных зраков демонских прогонителие, да в мире и покаянии скончавше земное поприще, достигнем вечных благ, наслаждения и купно с вами прославим Пресвятую Троицу, Отца и Сына и Святаго Духа, ныне и присно, и во веки веков. Аминь.

### **ТРОПАРЬ, ГЛАС 4**

Яко апостолом единоправнии и Словенских стран учителяе, Кирилле и Мефодие Богомудрии, Владыку всех молите, вся языки Словекския утвердити в Православии и единомыслии, умирити мир и спасти души наша.

### **КОНДАК, ГЛАС 3**

Священную двоицу просветителей наших почтим, Божественных писаний преложением источник Богопознания нам источивших, из негоже даже до днесь неоскудно почерпающее, ублажаем вас, Кирилле и Мефодие, Престолу Вышняго предстоящих и тепле молящихся о душах наших.

### **ВЕЛИЧАНИЕ**

Величаем вас, святи равноапостольнии Мефодие и Кирилле, вся Словенския страны учеными своими просветившия и ко Христу приведшия.